



Lugo, 18 de setembro de 2017

CONVOCATORIA PÚBLICA DE BOLSAS DE TÉCNICO SUPERIOR

NOVIEMBRE 2017/18

FORMACIÓN PROFESIONAL DE GRAO SUPERIOR

OBXECTIVO:

As bolsas de técnico superior, están dirixidas a mozos/as que finalicen o módulo de formación profesional de ciclo formativo de grao superior das familias sanitaria e agropecuaria, co obxectivo de adquirir unha base sólida de coñecementos teóricos e prácticos da actividade dun hospital veterinario universitario.

Este programa está deseñado para preparar aos candidatos e a súa posterior inxerción laboral en centros veterinarios o do ámbito sanitario ou agropecuario en xeral.

DURACIÓN:

A duración do programa será de 12 meses:

Do **1 de novembro** de 2017 ao **31 de outubro** de 2018.

NÚMERO DE PRAZAS:

O número de prazas é de tres (3).

PRAZO PARA A SOLICITUDE DAS PRAZAS:

O estipulado no calendario do proceso de selección descrito nesta convocatoria, en horario de 9:00 a 14:00 h.

SERVIZOS DE ROTACIÓN:

Durante o período de formación os alumnos rotarán polos seguintes servizos do Hospital Veterinario Universitario Rof Codina:

- Análises clínicos
- Hospitalización
- Esterilización

Lugo, 18 de setembro de 2017

REQUISITOS:

Para solicitar praza será necesario acreditar:

- Estar en posesión dalgún dos títulos oficiais de Formación Profesional de ciclo formativo de grao superior, que se citan a continuación:
 1. Laboratorio de diagnóstico clínico.
 2. Anatomía patolóxica e citoloxía.
 3. Imaxe para o diagnóstico.
 4. Radioterapia.
 5. Asistencia á atención clínica en centros veterinarios.
 6. Xestión e organización de empresas agropecuarias.
- Non ter acadado o título nun tempo superior a dous anos.
- Non superar a idade de 29 anos no momento de formalización da bolsa.
- Español, nacional dalgún dos Estados membros da Unión Europea ou nacional dalgún Estado no que, en virtude dos tratados internacionais celebrados pola Unión Europea e ratificado por España, sexa de aplicación a libre circulación de traballadores.
- Estar en posesión do permiso de condución B.
- Posuír a capacidade funcional física e psíquica para o desempeño das tarefas e funcións correspondentes á praza á que se opta.
- No poderán solicitar esta bolsa aqueles candidatos que fosen adxudicatarios en anteriores convocatorias, en calquera hospital universitario que teña recoñecida esta actividade formativa.

Todos os requisitos deben posuírse o día de finalización do prazo de solicitude da praza. No caso de titulacións obtidas no estranxeiro, terá que estar en posesión de documentos que acrediten fidedignamente a súa homologación.

DOCUMENTACIÓN:

- Solicitude conforme ao impreso adxunto a presente convocatoria (Anexo I).
- Fotocopia do DNI ou pasaporte.
- Expediente académico.
- Fotocopia do resgardo da titulación académica requirida.
- "Curriculum Vitae" profesional, cos documentos acreditativos numerados.
- Fotografía recente.

Lugo, 18 de setembro de 2017

PRESENTACIÓN DAS SOLICITUDES:

A solicitude de praza pódese tramitar:

- A través do formulario da páxina web da Fundación Rof Codina (www.rofcodina.org), xuntando toda a documentación correspondente debidamente escaneada ou fotografada.
- Entregando a documentación na recepción do Hospital Veterinario Universitario Rof Codina.
- Enviando a solicitude e a documentación anexa por servizo de mensaxería á seguinte dirección:

Hospital Veterinario Universitario Rof Codina

CONVOCATORIA DE BOLSAS DE TÉCNICO SUPERIOR

Estrada da Granxa s/n

27002 Lugo

A recepción das solicitudes coa correspondente documentación deberá estar rexistrada no HVU-RC antes de que remate o prazo de recepción e, na páxina web o sistema de admisión de solicitudes quedará bloqueado nese momento. En ningún caso serán admitidas aquelas solicitudes presentadas por calquera medio distinto ao indicado neste apartado ou fora do prazo de presentación. O tribunal poderá requirir aos candidatos a documentación orixinal.

CRITERIOS DE SELECCIÓN DAS SOLICITUDES:

A selección será realizada por un Tribunal presidido polo director xerente da Fundación Rof Codina e formado polo director veterinario e os xefes de servizo do hospital.

O tribunal poderá declarar desertas as prazas que considere cando non haxa aspirantes que reúnan os méritos suficientes.

Na valoración dos méritos presentados polos aspirantes terase en conta o seguinte:

- Puntuación do expediente académico.
- "Curriculum Vitae" de prácticas ou profesional.
- Outros méritos documentados

Lugo, 18 de setembro de 2017

PROCEDEMENTO DE SELECCIÓN:

Primeira Fase

Selección de candidatos segundo os seguintes criterios establecidos:

- Expediente académico: 60% da nota global.
- *Curriculum Vitae*: 35% da nota global.
- Outros méritos: 5% da nota global.

Segunda Fase

Os candidatos seleccionados polo Tribunal na Primeira Fase terán que superar unha proba realizada polo persoal do hospital que consistirá nunha exame dos temas incluídos na presente convocatoria (Anexo II) e unha entrevista persoal.

ADMISIÓN DE CANDIDATOS:

Rematado o prazo de presentación de solicitudes, publicarase a relación provisional de aspirantes admitidos e a de aspirantes excluídos, no taboleiro de anuncios da Fundación Rof Codina e na súa páxina web (www.rofcodina.org) nas datas estipuladas no calendario do proceso de selección. Os aspirantes excluídos disporán dun prazo de 48 horas para emendar as deficiencias atopadas na súa documentación. Finalizado este prazo o tribunal será convocado e publicará os resultados da primeira fase e a convocatoria da segunda fase. Finalmente o tribunal publicará a proposta de resolución da cobertura das prazas e convocará aos aspirantes seleccionados a unha reunión preparatoria previa ao inicio do período de formación.

LISTA DE ESPERA:

O Tribunal poderá establecer unha lista de suplentes ordeados pola súa puntuación obtida, que se fará pública coa proposta de resolución. Poderán ser chamados os candidatos que formen parte da dita lista no caso de ser necesario cubrir algunha renuncia, ou ben por autorización da Xerencia ante calquera eventualidade e/ou necesidade de servizo. A lista de suplentes perderá a súa vixencia coa resolución dunha nova convocatoria de bolsas de técnico superior.

BOLSAS:

La Fundación Rof Codina concederá unha bolsa a cada candidato seleccionado.

- A contía de cada bolsa por alumno/a será de 425,00 € brutos mensuais.
- Os beneficiarios das bolsas non poderán recibir, durante o período de duración do programa, outras axudas nin realizar calquera outro tipo de actividade remunerada.

Lugo, 18 de setembro de 2017

- La concesión destas bolsas non implica ningunha vinculación laboral ou doutra clase entre as persoas seleccionadas e a Fundación Rof Codina ou o Hospital Veterinario Universitario, aínda que darán lugar á súa inclusión no Convenio Especial da Seguridade Social establecido no Real Decreto 1493/2011, de 24 de outubro, polo que se regulan os termos e as condicións de inclusión no Rexime Xeral da Seguridade Social das persoas que participen en programas de formación.

FORMALIZACIÓN:

Estenderase credencial de bolseiro a favor dos candidatos seleccionados, quen asinarán o compromiso de aceptar e cumprir as actividades formativas e o horario que se estableza. A non formalización da bolsa por parte do interesado no prazo que se estipule ao efecto, entenderase como renuncia á mesma.

RENUNCIAS:

As renuncias faranse por escrito alegando os motivos da mesma e dirixidas á Dirección Xerencia da Fundación Rof Codina.

AVALIACIÓN DO CURSO:

Os candidatos seleccionados serán avaliados en tres ocasións durante a realización do curso polos responsables dos diferentes servizos hospitalarios.

O Hospital Veterinario Universitario establecerá un control de presenza diario.

Será motivo de suspensión da bolsa o non cumprimento, de forma reiterada, das normas de cada Servizo Hospitalario, máis de 3 faltas inxustificadas ou outras causas graves que afecten á asistencia, docencia ou actividade formativa do grupo.

FUNCIÓNS DO BOLSEIRO:

- Xestión do stock de material rexeitable e reutilizable nas áreas de laboratorio e farmacia.
- Apoio ao persoal de informática para a informatización dos procesos de control de existencias, inventario e reposición de materiais.
- Labores de técnico superior en laboratorio, farmacia, bloque cirúrxico, hospitalización, sala de necropsias e radiodiagnóstico no ámbito do hospital, prestando apoio ao persoal facultativo do hospital e atendendo as instrucións e funcións que a Dirección do Hospital lle asigne.
- Colaboración cos demais servizos hospitalarios segundo as directrices da Dirección Veterinaria e/o da Dirección Xerencia do Hospital Veterinario Universitario Rof Codina.

Lugo, 18 de setembro de 2017

HORARIO:

O horario será de luns a venres de 9:00 a 14:00 e de 16:00 a 19:00 h.

VACACIÓNS:

Os candidatos seleccionados dispoñen de dúas semanas de vacacións que se repartirán da seguinte forma:

- Unha semana no período do Nadal, na que se lle asignan dúas quendas.
- Unha semana en período estival.

LICENZAS:

Os candidatos seleccionados terán dereito, previa solicitude á Dirección Xerencia, co visto e prace do Xefe de Servizo no que se atope rotando e da Dirección Veterinaria e posterior xustificación, ao goce dos permisos que a continuación se indican:

- Para a realización dunha exame por parte daqueles que realicen estudos para a obtención dun título oficial: o tempo indispensable, debendo xustificarse cun certificado oficial.
- O tempo indispensable para a asistencia ao médico, presentando e xustificando cita e asistencia.
- O tempo imprescindible para a solución de asuntos ou tramitacións que teñan relación directa co desenvolvemento habitual da súa actividade formativa.
- Por matrimonio de pais ou irmáns: un día natural que coincidirá co do evento e outros dous por cuestións de desprazamento.
- Por falecemento ou enfermidade grave dun familiar dentro do primeiro grao de consanguinidade ou afinidade: 3 días hábiles.

Lugo, a 16 de setembro de 2017



Asdo.: Luís Felipe de La Cruz Palomino
Director xerente da Fundación Rof Codina

Lugo, 18 de setembro de 2017

Calendario do proceso de selección:

- **18/09/2017** 09:00 h. Inicio do período de admisión de solicitudes.
- **10/10/2017** 14:00 h. Fin do período de admisión de solicitudes.
- **11/10/2017** 14:00 h. Publicación da lista provisional de admitidos e excluídos.
- **17/10/2017** 14:00 h. Publicación da lista definitiva de admitidos e excluídos.
- **20/10/2017** 14:00 h. Publicación de resultados da primeira fase de selección.
- **23/10/2017** Segunda fase de selección.
- **24/10/2017** 14:00 h. Publicación da lista provisional de seleccionados.
- **27/10/2017** 14:00 h. Publicación da lista definitiva de seleccionados.
- **31/10/2017** 17:00 H. Reunión preparatoria do período de formación.
- **01/11/2017** Inicio do período de formación.

SETEMBRO						
lu	ma	me	xo	ve	sa	do
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

OUTUBRO						
lu	ma	me	xo	ve	sa	do
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

NOVEMBRO						
lu	ma	me	xo	ve	sa	
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			

Lugo, 18 de setembro de 2017

ANEXO I

SOLICITUDE DE ADMISIÓN AO PROGRAMA DE BOLSAS DE TÉCNICO SUPERIOR

Apelidos:		Nome:	
DNI:	Data nacemento:	Ano de titulación:	
Domicilio:		Localidade:	
SOLICITO: ser admitido/a na convocatoria do PROGRAMA DE BOLSAS DE TÉCNICO SUPERIOR NOVEMBRO 2017/2018 do Hospital Veterinario Universitario Rof Codina, ao considerar que reúno os requisitos esixidos.			
DENOMINACIÓN DA PRAZA Á QUE SE OPTA: Técnico superior – F.P. Ciclo formativo de grao superior, familias de sanidade e agropecuaria–			
RELACIÓN DE DOCUMENTOS QUE SE ADXUNTAN Á PRESENTE SOLICITUDE			Nº Orde
Data e sinatura		Selo de rexistro de entrada:	
		Hora:	

EXCMO. SR. PRESIDENTE DE LA FUNDACIÓN ROF CODINA

A Fundación Rof Codina, con domicilio social na Estrada da Granxa S/n Facultade de Veterinaria USC 27002 Lugo, en aras de garantir un estrito cumprimento da normativa sobre Protección de Datos persoais e o exercicio dos seus dereitos persoais, infórma-lle que os datos persoais que Vde. proporciónenos, así como os datos aos que esta Fundación teña acceso como consecuencia da presente convocatoria, do mantemento da relación que lle une ou lle poida unir con esta Fundación, do envío de comunicacións incluíndo as comunicacións electrónicas e da xestión integral da súa información persoal na Fundación, serán incorporados a varios ficheiros automatizados ou non, para o que Vde. presta o seu consentimento expreso, preciso e inequívoco. Devanditos ficheiros, foron debidamente inscritos ante o Rexistro Xeral de Protección de Datos. A Fundación garántelle en todo momento o dereito a coñecer os criterios e programas utilizados. A finalidade destes ficheiros responde á necesidade do tratamento da súa información persoal para a xestión tanto económica como administrativo-docente e de investigación así como para a realización de actividades de difusión e publicidade da Fundación. Todos os datos que se lle solicitan son obrigatorios e a negativa a fornecelos suporá a imposibilidade de concluír ou manter a relación que lle une coa Fundación. A Fundación infórma-lle que a súa información poderá ser cedida en virtude das cesións obrigatorias establecidas na Lei así como a aquelas empresas, entidades ou organismos patrocinadores así como a través das publicacións ou accións de difusión realizadas pola Fundación para o que Vde. consente expresamente. A Fundación garante que adoptou as medidas oportunas de seguridade nas súas instalacións, sistemas e ficheiros, así como o tratamento confidencial dos Datos Persoais de conformidade coa lexislación vixente aplicable, aínda que, poderá difundir as características xerais dos proxectos presentados, e no seu momento, os nomes dos proxectos gañadores e os seus promotores. A Fundación garántelle en todo momento o exercicio dos seus dereitos de acceso, cancelación e oposición nos termos establecidos na lexislación vixente, dirixíndose por escrito e indicando o concreto dereito que desexa exercer á dirección anteriormente indicada.

Lugo, 18 de setembro de 2017

ANEXO II

TEMARIO DA PRAZA DE TÉCNICO SUPERIOR

1. Bioquímica xeral

- Proteínas
- Lípidos
- Ácidos nucleicos e vitaminas

2. Cultivos bacterianos

- Clasificación e características dos medios de cultivo
- Recontos celulares bacterianos

3. Micología

- Clasificación dos cogomelos
- Principais cogomelos causantes de enfermidades
- Procedementos para o estudo dos cogomelos

4. Parasitología

- Clasificación dos parasitos
- Principais parasitos causantes de enfermidades
- Procedementos para o estudo dos parasitos

5. Análise de produtos corporais

- Estudo do sedimento urinario
- Exame físico das feces
- Exame químico das feces: determinación do pH, detección de sangue en feces, determinación de bilirrubina en feces.

6. Material utilizado no laboratorio

- Microscopio
- Centrífuga
- Cámara de fluxo laminar

7. Eliminación de residuos biolóxicos

- Tipos de mostras biolóxicas
- Eliminación de residuos nos distintos contedores
- Clasificación de mostras biolóxicas perigosas

8. Compoñentes do sistema endócrino

- As distintas glándulas con as súas hormonas respectivas
- Patoloxías máis importantes do sistema endócrino

9. Prevención de riscos laborais

- Lei 31/1995, de 8 de novembro, de Prevención de Riscos Laborais

10. Manexo e control dos animais de compañía.

- Inmobilización
- Modos de transportar e coller animais

Lugo, 18 de setembro de 2017

11. Enfermería médico-cirúrxica.

- Observación
- Coidado xeral do paciente
- Vendaxes
- Primeiros auxilios

12. A Consulta

- Descrición
- Características xerais
- Mantemento: limpeza e esterilización

13. Instrumental cirúrxico

- Descrición
- Características xerais
- Mantemento: limpeza e esterilización

14. Almacén

- Produtos sanitarios. Recepción e colocación

15. Botiquín de Urgencia

- Organización
- Funcións que cumpre

16. Formas Farmacéuticas (FF)

- FF para administración vía oral, rectal, tópica e parenteral

17. Cadea de frío

- Aplicación no Servizo de Farmacia

18. Radioprotección

- Normas xerais

19. Preparación de mostras

- Histoloxía

20. Técnicas de radiodiagnóstico

- Principios básicos